

Na osnovu člana 4. Odluke o utvrđivanju uslova i postupka za ostvarivanje prava učešća građana za stimulisanje stočarske proizvodnje u okviru Projekta "Razvoj stočarstva" na području Općine Stari Grad, broj: 01-05-4-1969/16 od 25.08.2016.godine, Načelnik Općine Stari Grad Sarajevo objavljuje:

JAVNI POZIV

za predaju zahtjeva za stimulisanje stočarske proizvodnje

1.PRAVO PRIJAVE NA JAVNI POZIV

Pravo podnošenja prijave za stimulisanje stočarske proizvodnje imaju poljoprivredni proizvođači sa mjestom prebivališta i proizvodnjom na području Općine Stari Grad.

2.USLOVI ZA STIMULISANJE STOČARSKE PROIZVODNJE

Pravo na stimulisanje stočarske proizvodnje mogu ostvariti proizvođači koji ispunjavaju uslove za ostvarivanje prava učešća poljoprivrednih proizvođača kako slijedi:

Opći uslovi :

1. Da podnosilac zahtjeva ima mjesto prebivališta i zemljište na području Općine Stari Grad;
2. Da je zakonski korisnik zemljišta (vlasnik, posjednik, nosilac prava korišćenja i drugo);
3. Da je poljoprivredna proizvodnja na posjedu gdje podnosilac zahtjeva stanuje;
4. Broj članova domaćinstva poljoprivrednog gazdinstva;
5. Da posjeduje vlastiti objekat u kojem je moguć smještaj stoke (ili ugovor o korištenju).

Posebni uslovi:

1. Da je podnosilac zahtjeva demobilisani borac;
2. Da je podnosilac zahtjeva nezaposlen ili penzioner;
3. Priznat status RVI podnosioca zahtjeva;
4. Porodica šehida ;
5. Da je poljoprivredna proizvodnja osnovni izvor egzistencije;
6. Dokaz o boračkom statusu, statusu RVI i statusu civilne žrtve rata člana porodičnog domaćinstva.

Uslove pod tačkama 3. i 5.– Opći uslovi utvrđuje Komisija za stimulisanje stočarske proizvodnje na licu mjesta (u daljem tekstu Komisija), koju imenuje Općinski Načelnik.

3.POTREBNA DOKUMENTACIJA

Uz zahtjev za stimulisanje stočarske proizvodnje potrebno je priložiti dokaze o ispunjavanju uslova iz Javnog poziva kao i druge dokaze, originale ili ovjerene fotokopije dokumenata koji ne mogu biti stariji od 6 mjeseci:

1. Dokaz da je zakonski korisnik zemljišta: zemljišno-knjižni izvadak, kopija katastarskog plana nadležne općinske službe i drugi dokazi o vlasništvu, odnosno posjedu zemljišta.
2. Kopija lične karte i kopija prijave o mjestu boravka za podnosioca zahtjeva.
3. Kućna lista.
4. Potvrda o nezaposlenosti izdata od Zavoda za zapošljavanje za podnosioca zahtjeva,

5. Za lica koja nemaju riješen status odgovarajuća potvrda od kada nemaju riješen status (potvrdu izdaje preduzeće) kao i da razlog takvog statusa nije rezultat lične krivice dotičnog uposlenika.
6. Ček od penzije ukoliko je podnosioc zahtjeva penzioner.
7. Dokaz o ukupnim primanjima domaćinstva, podnosioca zahtjeva i punoljetnih članova domaćinstva (potvrda o studiranju, uvjerenje nadležne službe o nezaposlenosti, ček od penzije, potvrda o primanjima od poslodavca, odnosno primanja po osnovu lične i porodične invalidnine i sl.).
8. Demobilisani borac: riješenje o statusu borca ili uvjerenje Federalnog ministarstva odbrane, Uprava za odbranu Sarajeva – Odjel za odbranu Stari Grad, ratni vojni invalid (rješenje nadležne općinske službe) i šehidska porodica (rješenje nadležne općinske službe).
9. Dokaz o boračkom statusu, statusu RVI i statusu civilne žrtve rata člana porodičnog domaćinstva.
10. Ovjerenjena kopija transakcijskog računa podnosioca zahtjeva.

4. PODNOŠENJE ZAHTJEVA I DOKUMENATA

Obrasci zahtjeva za stimulisanje stočarske proizvodnje mogu se podići na info punktu i na web stranici Općine Stari Grad. Zahtjevi sa pratećom dokumentacijom se predaju na šalter protokola u zgradi Općine Stari Grad, ulica Zelenih beretki br.4, sa naznakom: Služba za privredu i finansije - Prijava na Javni poziv za stimulisanje stočarske proizvodnje. Sve dodatne informacije mogu se dobiti u Službi za privredu i finansije, soba 416, IV sprat.

5. PROCEDURA VREDNOVANJA I ODABIRA PODNESENIH ZAHTJEVA

Proceduru vrednovanja i odabira pristiglih zahtjeva izvršit će Komisija za stimulisanje stočarske proizvodnje. Odluku o dodjeli sredstava za stimulisanje stočarske proizvodnje donosi Načelnik Općine Stari Grad Sarajevo na prijedlog Komisije.

Izabrani kandidati potpisuju Ugovor o namjenskom grantu sa Općinskim Načelnikom, kojim će biti regulisana sva dalja međusobna prava i obaveze.

6. FINANSIJSKA SREDSTVA

Pod stavkom Poticaji za projekte iz oblasti stočarstva i stavkom Nabavka stočne hrane obezbjeđena su sredstva u ukupnom iznosu od 19.300,00 KM iz Budžeta Općine Stari Grad Sarajevo za 2016.godinu, u okviru kojih će se izvršiti stimulisanje stočarske proizvodnje.

7. NAPOMENA

1. Zahtjevi sa nepotpunom dokumentacijom kao i zahtjevi podneseni mimo utvrđenog roka neće biti razmatrani.
2. Rok za podnošenje prijave na Javni poziv je 15 dana od dana njegovog objavljivanja na oglasnoj ploči Općine, oglasnim pločama mjesnih zajednica i web stranici Općine Stari Grad.
3. O rezultatima Javnog poziva podnosioci zahtjeva će biti obaviješteni pismenim putem, putem oglasne ploče i web stranice Općine Stari Grad, a mogu se i lično informisati u Službi za privredu i finansije, soba 416, IV sprat.

Sarajevo, 07.09.2016. godine

OPĆINSKI NAČELNIK
Mr.Ibrahim Hadžibajrić,s.r.